

讀白華草堂詩二集

讀白華草堂詩二集序

溯韓江五百里而上梅州之鎮平有黃君香鐵子弱冠卽耳其詩名咸稱爲才子比香鐵以副貢留京師公卿爭欲以科第羅致之香鐵夷然不屑也已卯舉京兆闕以充國史館繕書將次銓令辭就教職品旣高名益噪鄭邸者今之河間也讀香鐵詩大歎賞謂乾嘉之際惟洪稚存庶幾頡頏欲延之課世子詩時惠邸亦屬程春海侍郎聘一記室程致書願爲曹邱生勸香鐵往香鐵皆辭焉予聞益慕之神交且萬里也道光丁酉司鐸吾棉聞其來始而喜旣而疑意近今名士多難嚮

邇乃刺投蒙倒屣迎胸脯洞然握手歡甚長予二歲遂
兄事之晨夕過從得遍讀所著賦鈔經餽史响鐵盃叢
筆諸書宏通博洽匪特詩也覺向所聞猶未足盡香鐵
也而予之交香鐵則仍以詩得一句必走商易一字常
屢質香鐵不以予爲煩問敲香鐵詩一二香鐵不以予
爲妄莫逆於心相視而笑己亥春予權廣州郡博屬以
一集詩十二卷校付手民重命爲二集序夫以舟好香
鐵詩之篤因校讐之役快讀十數遍幸矣學淺識陋烏
能序其詩哉且香鐵詩自有定評矣端木鶴田中翰謂
香鐵詩精英在外質實在內尤有志於古烈隱迹發揮

其事使生氣在目乃詩家龍門潘四農解元謂香鐵詩
一氣旁魄五光陸離由鍊入工以豪得健大氏風華得
之牧之義山爽直取之子瞻魯直兩君並深於詩不輕
許人者其交推香鐵詩如此舟固毋庸贊一詞也校刊
斯集畢爰畧敘其生平并舟得訂交之故於簡端顧生
長隔五百里神交且萬里迨爲我邑師始得相過從迭
唱和蓋兩人春秋俱五十餘矣潮陽笠漁弟陳作舟

讀白華草堂詩二集總目

第一卷

乙酉

古今體詩六十五首

第二卷

丙戌

古今體詩八十首

第三卷

丁亥

古今體詩七十四首

第四卷

戊子

古今體詩八十七首

第五卷

己丑

古今體詩一百零七首

第六卷

庚寅

古今體詩七十七首

第七卷

辛卯

古今體詩九十一首

第八卷

壬辰

古今體詩一百四十八首

第九卷

癸巳

古今體詩八十六首

第十卷

甲午

古今體詩一百一十首

第十一卷

乙未

古今體詩七十九首

第十二卷

丙申

古今體詩九十二首

讀白華草堂詩二集卷一

乙酉

鎮平 黃 釗 穀生

入長潭至馬蓼坑口觀春漲

春雲不肯開動輒釀成雨萬壑滙長河濁流旋如虎來
船駕飛槳水力勇可賈巨魚破浪奔罾罟不敢阻呂梁
扼喉吻巫峽鍵門戶生平涉險心屏息在鄉土翩翩石
燕翔嵐氣如出釜想見九驪龍雷霆助飛舞

黃木灣望海

百寶浴扶桑天開獅子洋日光蒸蜃氣水勢撼鴻荒琛
貝雄蕃舶旂幢肅海王坐看潮汐盪神廟有文章

謂韓碑

讀白華亭堂詩
古越臺行

層城海氣浮夕陰古臺日暮來登臨越王宮殿委叢莽
秦時狐兔號空林憶昨霸圖橫戰舸雄關自握龍川鎖
避地曾看徐市船傳烽不到咸陽火漢家天子空旌旗
魁結自喜儕蠻夷一朝墮書啟關至臣佗昧死謹陳詞
千年王迹秋煙掃鐘鼓蒼涼動懷抱朝漢臺邊見落花
大中祠畔餘秋草木棉開遍鷓鴣飛越井岡頭王氣微
空憐戲馬傳觴去不及騎羊採藥歸

六月朔日同人泛舟荔支灣集長日臨流亭子噉
荔歸至光孝寺小憩

闌風伏雨海西頭六月涼生鬼子樓一笑苧衣人似鯽
趁潮齊上白蘋洲

長日臨流興未闌水亭開到荔支殘却來跣足潮頭立
呼取龍宮赤玉盤

虬珠百顆勝瓊漿灌頂甘鮮沁齒香認取前身皆荔佛
水羅松界綠荷鄉

昌華故址已依稀紅藕香中一棹歸且與劉郎爭片土
昔人以荔支灣爲昌華苑故址近有以爲唐荔園者金塗塔下問斜暉

訶林衣鉢渺雲煙初地來叅六祖禪同向風幡堂裏坐
問誰心動木樨前

叢書搜到漢唐時鼠盡燬枯佛亦疑一樣宰官稱好事
高風應拜仲翔祠

光孝寺東鐵塔歌

寺有東西二塔東塔劉鋹造西塔則龔澄樞造西塔造於大寶

六年

玉皇太子皈依婆羅要將南海毗落伽六十州鐵造一塔
將此錯鑄歸曼陀塔記不辨隸與蝸其文浸蝕猶堪摩
大寶十年丁歲勅有司鑄用烏金和其高二丈餘二尺
相輪法座形鬼戎曰大法師內供奉設齋慶讚詞無譌
是時沙門淨鑑室波斯點女空袖蛾樊胡子已足妖妄
梁山師更工媿嬰刀山劍樹地獄現鑄錢範像淫刑苛

天龍遺卵本蛟蜃金剛杵在當降魔嗟爾生靈已塗炭
豈繫佛力仍搗呵苑羊吐珠稱瑞應疑舍利子含釋迦
菩薩變相幻首臂以此示現意云何其年南海民妻生一子兩首四臂
凡諸怪異足駭怖且復淫樂爲婆婆羊頭二四白雨至
火輪小兒揮天戈胡僧識書竟奇中滅劉者龔原非佗
同時鑄塔妄祈保女弟子亦隨僧哥千秋門外頸血濺
佛於此際疑偏頗蕭閒大夫金紫控大梁布衣當醉歌
象之奔矣象力困此塔壽命齊銅駝

答溫伊初訓

訓

昌黎昔起衰士皆從之遊精心迹古轍張籍李翱乃其

尤維時嶺表士僅數趙與區詎曰人士稀狂榛困炎陬
陸有犀象珍水有貝璣浮百寶銜光怪瓌奇侈九州卽
今豈殊昔生才盛無儔

我友溫生者雄直當韓豪文章如性情所託亦已高在

山爲巨嶂在海爲奔濤先達馮

山魚

與宋

並

健筆斯其曹

海天兩黃鵠百鳥空喧嘈仙之山浮來戴山者靈鼇溫
生平爾力期爾乎翔翺

雕鑿洩真宰元氣滋不存是惟大力者旁魄迴昆侖溫
生汝師韓險僻唾軒轅且復笑郊島邊幅囚籠樊霜鐘
雖淒音震盪驚乾坤爲文喻水浮其氣如潮吞千古廣

陵濤尙有枚叔言

濤聲殷地來傾耳在高樹蚊雷寂無音膚汗亦已銅胎
我感秋詩精語出心鑄衆生類蜂蠆天地一敗瓠吁嗟
陰陽薄亦無金石固剏論本柳州與韓弗牴牾温生吾
粵人粵產靡不具此才儲藥籠可以敵桂蠹一笑近詼
諧採者當無誤

家尹虹邀集三元宮卽事賦呈同集諸君

琳宮疊重碧珠海摺輕黛山光仰樓堞塔影俯闌闈眼

塵一以清汗潮倏而退丹房掃落葉靜境成淡對

余與香石

先浩浩兩詩心貯此冰壺內主客形已忘巾綵禮可廢

朋來各疎散酒至互敬愛知新起積慙感舊寄微慨

尹

爲在菴仲子往常以文質余徐孟舒庶常爲在菴薦卷門生

所喜今雨佳足令火雲

淬懷哉山水情永與芷蘭佩

六月十三夜學海棠賞月同謝澧浦太史吳雁峯

孝廉石華學博蔡春帆明經

五百年留此月來好將清影共徘徊人間定境空珠海
天上奇書借玉杯笛客自生鸞鶴想詞仙多是鱸魚才
御風遊戲真無跡十萬煙檣約夢回

讀芷灣先生近集敬題二律

神仙超劫此心肝洗向青空白玉盤大地光明身是月

長風鼓盪海生瀾山川抗古收滇蜀氣餽凌今接杜韓

讀到千枝毬放句朱霞天半照雲安

先生雲安寺茶花詩尤奇偉

雄談濶論渺黃虞猶記豪吟笑捋鬚長揖橫刀誰健者

高歌青眼似公無人間福命疑才子

致魯輿言中訊余語地下文

章掃鬼奴

爲先君銘墓語

孤負國門相送意十年潦倒尙江湖

題何惕菴同年

其杰

詩文集後

惕菴精岐黃

百草神農味遍嘗唐箋漢疏盡奇方
梨雲閣上香如縷
禮罷經神繡藥王

古意新聲託放歌錢刀百萬奈愁何
壺蘆賣藥無人識
市上空傳到橐駝

七夕寄內

露葉風枝策策鳴紅牆一角欠分明星河古語疑無據
兒女今宵信有情天上文章勞手織仙家夫婿羨躬耕
離多會少翻憐我又擬迢迢萬里程

獅子橋寓園二首

一夜雨平池圓荷有蒼氣綠知秋漸深尙覺暑未退朝
曦渲紅霞烘窓餘綺麗庭樹晴逾綠鳴鳥欣所寄竹欄
鴨衝開花逕僮還至高齋坐垂簾少許得清味

紫萍掩池光繁星不到留草蟲爾何言絮若交謫婦感
此秋氣微默就物理剖飛螢思放光咒草當速朽此豈

不知化而故喪所守明月當中天烟態醒如酒老魚師
仙狐清夜出禮斗

夢遊羅浮歌簡粵嶽子

粵嶽山人爲我言羅浮我時脚踏軟紅困京國願言從
之遊自顧無羽翼昨從羅浮山下過雨霧迷漫白一色
葛稚川兮何處黃野人兮不聞七千里兮舊夢四百峯
分出雲雲蓬蓬兮如縷引我夢兮入左股問仙官兮導
我前銅龍兮後瘖虎巨石頓海飛泉轉雷斗壇淨掃石
樓自開望華首而莫卽倚絳蝶之馱來飛雲頂高去天
咫霎然而升如脫屣星辰離離若榴子仰天大嚼冰鏗

齒待摩崖兮絕頂忽天雞兮叫醒夢醒兮燈熒記新官
兮仙之銘東日紅兮射窗紙披衣急示粵嶽子

讀蓮鬢閣集

紺血紅心偉丈夫金觥綵筆擁羣姝狀頭獨占名花坐
隻臂同將折鼎扶杜宇有魂啼竹魄鴛鴦無頸落蓮鬢
人間漫取遺編讀地下能消劍氣無

讀嶠雅

奇氣如虹薄士夫鬼門關外作亡逋捭胸志節雙琴贊
瞭掌山川五管圖畸客醉摩雲彈鬢故人阮大慙將寇
公鬚一編赤雅風流筆爲問珊瑚架得無

登浴雲樓觀安期生像作

秦皇蜂目毒天下氣折瑯琊賣藥者阜鄉亭畔玉鳥飛
斷弄愚兒已鹿馬祖洲仙藥死祖龍驪山不殉三千童
蓬萊闕化阿房宮一炬火煽金銀鎔金銀烝蕪門龍虎
東海傾來救焦土鬼母啾啾求復仇一卷兵書遺項羽
七月二十四日安期生日同人集雲泉山館卽事

成長歌一首

白雲一別秦安期二千年來祇自怡其間東坡偶一到
菖蒲已換蘼蔔師粵嶽道人古好事依山闕館謀於斯
翩然而來巾笠隨約我濟勝行無遲是時白雲照春海

遊人蜂擁仙翁祠飛霞一觀隱淙碧綠沁毛髮寒鬚眉

忽聞笑語入松籟隔院疑有仙人棋入門一笑卽呼酒

不問主客人爲誰

謝澧浦太史先借數客治具於此

髯翁骨瘦清且奇

謝澧浦

黃縑白羽飄霜髭東方詼諧本仙吏要是先帝

之所遺我亦不復憐鶴饑青霞一吸千玻璃傭奴販婦

入圖畫流觴列坐同懽嬉蘭亭右軍豈有此盤谷隱者

宜居之梁鴻賃廡願虛設謝安賭墅來何時春猿秋鶴

漫嘲笑留銘作記多文辭白雲在山白怡悅此意未要

紅塵知道人打鐘日正午仙霞一朵蒲團垂

啓秀山房秋集

虛堂納秋光浩若波千頃客來想雲卧坐久雲亦冷旂
幢蓋巨海觀閣連諸嶺鷺潭浮玉杯鶴樹倚金井天風
送簞爭宿鳥把虛警灑然玉堂仙闕此瑯嬛境攷索羣
書資迴環衆妙領西園繼雅集南國留清景行當繪巾
帽且與淪香茗

九曜石歌二首

良嶺未削山骨蒼劉郎已剝花石網離宮自喜築壺嶠
坤軸不復開滄涯富民之財貧民力驅民如羊動鞭叱
鞭之叱之使化石劉郎求仙仙已得吁嗟乎劉郎求仙
仙已得西湖仙湖未湮塞滄桑轉眼藥氣消此石虛涵

天水碧

仙湖已塞西湖隘一泓收盡太湖大珠江夜靜虹貫月

二百年來米顛拜藥洲二字南宮鐫藥洲題詩許彥先

藥洲二字爲米元章題字在布政司署後堂東許彥先詩刻在督學署池西大石之左東仙掌畔

割一拳九疑盼斷空聯絲君不見蓮池諸丈久相望桃

源一叟謂武陵趙方伯不相讓何人巧琢高驪盆好與東坡貯

雪浪

南漢故宮

劉王遺址忍重尋一片銀光溝水深赤日未消椰葉瘴
紅雲仍羃荔枝陰空憐太子拖金綬無復仙人噴水沈

賸有波斯瓔珞女鏡中微笑解蘭襟

雜詠

亭亭浦中荷託生共菱芡特標出水姿不受汙泥染
明珠雖盈掌滄露心自斂豈伊根本殊得氣實清儉
士生托孤貞通直詎容貶黃金不可求白璧慎毋玷

游魚潛深淵宿鳥隱密樹傷餌不復貪弋釣亦奚慕
人生各有適物理可以悟幽蘭豈不芳所忌羣蟻附日
久傷其莖花葉漸彫仆勿恃香草根中防蝨與蠹

比干剖丹心萇宏闕碧血念彼萬古名已獲不死訣
丹砂駐紅顏黃芽變白髮服食求神仙志士當不屑孤鴻

海上來羽毛白於雪將爲閩苑遊日光較晶潔

炎洲有翠鳥羽毛爭鮮新黃金飾威烈耀此羅綺身亭
亭素馨花堆鬢亦如銀髮香沁幽夢紗幘伴橫陳明媚
各擅勝相較孰見珍愛此瓔珞裝端巖望若神惜彼冰
雪姿房幃空媚人

同家文緣

元章

梁柘坡

炯

家澹泉

文海

李繡綠

清

華仇典堂

效忠

漱珠橋食海鮮飯後至海幢寺

方丈茶話

經旬恣食饗食品闢精選索鱗遍五侯嘗肉盡一鸞凌
晨約渡海快意駕巨舫烹鮮手太辣據案眉早展蟹無

腸已搜髓有珠不免聶切惟魚蝦擯棄或螺蜆居然逞
豪奢不復愁蒸殄一飽思懺悔五淨援內典莊嚴海幢
寺散步足消遣我信佛面慈僧窺客意善齋廚啓香積
淨閣設茶苑有生注食籍未覺福緣淺哢哢放生羊獨
向迴廊轉

赤坳舟中

客意閒無着天容淡不開寒潮隨暑退孤艇載秋來水
濶浮魚騰洲空佇鶴媒榜人夫婦拙野鴨漫相猜

恩平學廡喜晤楊蔚林同年

秀拔

喜極知何語連朝鵲噪謹兩年成小別五斗作閒官祿

食猶能淡儒風幸不酸登盤鄉味好橙芥共魚餐
此夜翦燈情難爲薄宦成田園仍落拓婚嫁費經營異
日誰臺省同年自弟兄且看瓶裏菊贏得晚香清

恩平雞啼營謁外曾大父仁珍公外大父文悅公

墓

乙酉秋九月其日惟乙巳清晨戒肩輿隔宿治行李言
出恩平城北去七十里其日大北風沙塵際天起行行
日平西始至牛岡渡因詢雞啼營距此尙一鋪炊煙散
村落舉夫迷道路路轉灰窰邊云是桂坑村望見三五
家男婦已候門下輿始向前一揖未寒溫執手先問年

表弟孰表昆慰問各真摯揖讓亦朴敦嗟我旣無母喜
極反淚吞

入門僅一廳一廳僅一榻豚圈雞棲連福井厨竈雜蒙
師西村沈代主意周匝須與羅盤殮豐盛逾伏臘共云
祖父來不復歸故鄉頗聞故鄉居村名曰藍坊老屋山
子墟族盛丁復強從祖文悅公初來亦旅食遊學遂僑
寓棲身竟埋骨中間播遷處阿姑亮能述此間有親房
遷居在鶴山村名雞爪籠一日能往還稍留三五日中
表共盤桓殷勤謝表昆來此不暇仕詰朝幸蚤起導我
展邱墓

峨峨斜尾山曰葬仁珍公是也曾子之妣邱共幽宮南
轉石子岡隆隆一杯土雜碑紉世代馬鬣識封樹嗟予
外大父窮經老服虔投徒至恩州托足始一厘寄書命
我舅來此耕薄田其時外王母實惟傅孺人相將羨鴻
案偕隱來鹿門芙蓉鮮兄弟故鄉無可託詎知盡室遷
門祚轉衰薄我世昔語我念此淚漣漣阿舅歸故鄉血
食安所依多感表弟昆祭掃無久時墳頭鴉啄肉歸或
哺其兒感此意傍徨欲語悲臨歧殷勤更相謝重來當
有期

過新會訪向秋梧

屬

兼晤紅藥

殿春

留飲江干卽

事

新霜天氣約持螯舊雨人情稱買舸江上涼波楓葉下
塵中清致竹林高撩人淺夢餘花氣醉我良方配藥醪
余吐患痔擬戒飲秋
悟以柳角酒餉余 咫尺匡門煙點裏尙遲狂客弔秋
濤

卽事有贈

雪殘香醪細細添豪情綺語妙相兼喜從方鯁談心曲
謂紅華
名 愛揀團臚上指尖
眉間
持螯 紅芍夢酣惟閉閣黃花
影瘦不聞簾霜髭雲鬢都癩絕老少風懷各不嫌

三十六江樓

任水
縣江

三十六江水翼清愁青汀登州路盤結此霧尚猶深嘯
聚能爲患消浪頗費心樓船下楊仗仰瞻此豈臨

今日明人眼危樓敞畫堂弓刀唐節度絃誦魯諸生舊址

爲制府行臺
今建書院蠻嶺低還拱鯨波靜不傾還朝藉星使

口妄說昇平閣部白公督學試竣
還京縣令鵬公於此

峽山寺

松門盤石磴陡絕虹垂雲客來觀瀑山僧白募詩龍
飯泉眼活猿懺佛心慈恐愴情緣動征帆不敢遲

湏陽道中見其山水奇綽適英德候吏來送閣部

白公於江上因成一首

夢中躡碧塵眼底轟青嶂如入壺公壺日月亦殊狀刻
木爲星槎靈境與之况帝青斧劈斲官綠鞞紋漾當年
米洽漚腰笏立江上世豈有此人高風足以抗夕陽刷
雲嵐遠水涵雪浪何因富春本摹作瀆江障

觀音巖倒用瀆陽道中韻

何來莊嚴身擁以七寶障叅禪鳥結窠念佛魚吹浪穴
同二酉探力與五丁抗慈航泛以來金繩援而上却從
蟻腹旋俯見鴨頭漾傳聞合掌巖洞天豈足況融入混
沌胎鑿出玲瓏狀得句恐天驚且勿鏟青嶂

過梅嶺小憩雲封寺

度嶺十里凍雲著地香雪在林石氣攢青煙嵐
涸碧睽茲衆生非曰獨樂行歌勞苦默喻歡喜
梅身幻如來示相衆香國峽氣迴凍青雲容涸濃墨白
毫放香光透出光明色居然古金剛具此精鐵力衆生
苦行脚脛瘦露鶴膝白盤困登頓一晌得休息到此亦
修來默領鼻功德山僧持酒戒煮茗餉行客何時結茆
菴與汝而絕壁

潁州發家書用涪翁韻上寄余洪範韻卽仿其體
萬山半出粵閩道二水自合章貢流故鄉距彼不千里
我行經此逾六秋北來峽風下山虎東去灘石浮鼻牛

家書曉共驛梅發爲報平安趁使舟

螺亭

斷腸人弔露筋祠尙有孤亭顛水湄誰認佛頭是香塚
剝苔來泐大慈碑

發嶺上遇風雪戲作

釀雪旣成霰跳雨竟作凍龍公輕唾咳碾碎珠百糞
人守篷窗拾作詩料用居然珍珠船下水出章貢昨宵
聽風鳥頗疑鶻過宋未及決雌雄已覺任操縱風師自
有職順逆隨錯綜安能如候吏江上管迎送書生喜吟
哦舟子善禱頌一笑兩聽之熱酒且相共

余未至贛卽得北來峽風下山虎東去灘石浮鼻

牛二語抵贛北風大作雪甚灘不得下以爲詩

識也因作轉語以祝之並用前韻

黃公酌汝一杯酒

十八灘惟黃公灘與余姓同故呼而祝之

使我輕舟乘順

流相烏已合指西北退鷁豈復書春秋灘聲過耳沸千

蟹風力轉頭迴十牛小詩豈足供一映待臘要泛秦淮

舟

舟中一首呈小山閣部

嶺北江西共條水學士詞人分坐船譜梅食筍宋詩理

讀雪齋煙唐畫禪七千楊柳記來日

粵東距京七千里

四十杏

花非少年

子明年四十矣

金臺有客向南望魏闕江湖星在天

珠磯晚泊

帆落檣鴉去潮迴渚雁還凍霞寒蠶水晴雪定廬山煙
靄湖神夢雲嵐玉女顏僕僮初逆旅歲暮憶鄉關

江行立春卽事

東皇整轡來萬物靜以俟元氣浮空江相距不盈咫尺
姑肅珮環秉笏立水涘須臾動微颺候雁已羣起心知
消息真意爲氣機使我舟遠迎來兩月三千里春風不
我私過嶺見梅藥計此兩旬中渡江日有喜軟塵催看
花晴雪送行李北去望前途已入陽春裏

北行舟中雜詠

水宿風餐第幾程，二禺峽裏聽猿聲。空山琴筑鈞天奏

咫尺虞韶答九成。

九成臺在韶州府治。

尚接猿掛石骨蠻濛濛，寒雨萬重山竹枝。歌近梅花驛

腸斷三楓五渡間。

縵面觀河認此身，蛟龍應許我知津。芙蓉潭水深千尺

曾是當時鏡裏人。

鏡箕潭亦名芙蓉潭，以南康縣木唐時芙蓉江也。庚辰余覆舟處。

文章時命卜窮通，琢藻瑯華體屑工。但博落霞秋水句

子安殊負馬當風。

洞天第八絕人寰，星石湖雲淺碧灣。百里凍嵐千丈雪

小將軍筆畫廬山

千里岷嶓按水經江湖如沼浴寒星却將大小雙蛾綠

大小孤山來配金焦兩點青

花藥揚州夢等閒皖江載得曉春還

前擬揚州度歲比至皖江已除夕矣

上岸市紅梅綠萼梅各一盆碧桃紅杏俱含笑今歲梅花早出山

讀白華草堂詩二集卷二

丙戌

鎮平黃釗穀生

元日安慶舟中

江天雲樹入新年已見陽和得氣先
岸上臘梅安慶路
座中春酒太平船
銀沙鳧雁團晴雪
玉鏡芙蓉透紫煙
叶夢九華山頂立
一枝綵筆綸青蓮

附閣部和作

白鎔

臘鼓聲殘又隔年
春光透露一枝先

月中有盆梅二株

太

平景色笙歌地
安穩行程書畫船
柏酒椒盤聯氣
誼黃山白嶽
辨雲煙遙知兒女團
團夕繡佛燈前

詞上書卷之三
拜綵蓮

京師元正供佛
翦綵爲蓮花燈

過采石磯

功名定何許，客思入空濛。
淺渚釣暈水，暮江帆織風。
春雙漿，便懷古一樽同。
且檢離騷讀詩人，幸未窮。

將抵金陵用涪翁韻

青陽乍司柄，已奪北風權。
南船發沙嘴，勇若箭扣絃。
春江妙養度，浩蕩浮空煙。
定涵千頃波，穩載萬斛舡。
舟隨心太平，分與祝天年。
所乘船名太平
微雨亦醞釀，暖雲代周旋。
浹旬客路中，旅思爲之捐。
誰圖江南春，畫手從輞川。

西楚霸王墓

奇功收一戰表敘得龍門菹醢甘爲川杯羹果負恩楚
歌猶灑泣魯禮枉招魂同是春來草長安問古原

汶上

岱陰寒欲雪汶上莽多風野老方祈麥羈人尙轉蓬店
荒爐餅貴站小市驢空客意蕭條甚關心願歲豐

平原道中

剛輪轉酒腸健馬聳詩骨卅年壯士心頓挫得奇崛適
從曠野來風沙眯天色篷車蹣跚行蠕動若牛蝨站長
如小年店荒比陶穴入門疥壁詩字字憫行役欲羸而
惡罵此理恐難說妖姬鞭而笑闖然立我側琵琶訴何

許聲咽紗掩御勉爲勞者歌欲解征夫渴馱鈴忽莊語
明晨當早發

瓦橋關口占

殘年南雪點征裘開歲東風掠馬頭關上梅花關下柳
六千里外兩雄州

開府顏公七十生辰時魯輿新摧臬使公就養陝
中寄呈一詩奉祝

功成身退髮俱斑多少蒼生祝醉顏當日真童辭泰岳
比年老子入函關歸田願遂詩多暇憂國心長夢未閑
却喜風煙長喬木柏臺新換繡衣還

馮烈姑詩

烈姑蒼梧人名秀瓊年十五字同里羅氏子文
燦兩載燦死姑慟哭赴江以殉舟人救之莫得
其屍是可哀已系之以詩

古蒼梧水沄沄葬何人二湘君解今蒼梧碧如泓葬何

人馮秀瓊解秀瓊死十七齡殉何人邑羅生解白項烏

紅襟燕兩飛飛不相見解蒼梧水倒影看馮秀瓊羅文

燦解

泰雲篇

泰雲蓬蓬雨我八極誰其嘘雲繫惟龍德維龍之澤繫

雲之力雲讓而退歸於其宅泰山巖巖爲諸侯伯泰山
出雲繫諸侯職白雲託之如諸侯客

同凌蔭塘

朝薦

陳岱友

瀛俊

遊滙泉寺望大明湖

湖面豁禪扉湖心養翠微芰荷中戶產薜荔古垣衣樓
堞穿林日警船隔浦歸宦情猶未熟魚鳥許忘機

趵突泉

齊都本天臍沈水出其腹折仍北而西流或見而伏奔
騰渴馬厓悍勢陡一縮茲泉非山腰穿洞等海目射天
迸潮弩冒地鼓雷軸却從五十里激此百萬斛吾當挾
飛仙尋源向王屋

濟南遣夏雜詩

鳴蟬瀉高樹脆若伯牙琴耳邊沁寒綠流水疑知音明
湖三百頃涼氣浮城陰高齋日當午膚汗時見侵頗思
一棹招從之蕩花潯清風灑然來可遇不可尋低徊濠
梁篇魚鳥知我心

閣鈴聲清巖深居若瑣院低頭事丹鉛束心就經傳妄
欲登岱遊侈念比封禪秦時五大夫頃夢與之見覺來
在空庭離立竝曹掾微風拂蒼髯冷然自稱善一笑達
摩師經年壁常面

青青華不注舊若浮水蓮新涼一雨洗翠落硯席前曠

詞自詩書堂詩
懷謫仙人揮手掃齊煙醒踏魯連屨醉拍安期肩斯人
已颺舉魯酒空聖賢一杯酌青霞爲我鋪長箋

我授二東詩反覆歎籽柚藩侯古价人疑我代忠告今
春正苦旱緩征兼貸粟全齊百二城戶戶聞戶祝尙望
秋漕登飛輓上鱸舫昨從東郊來時雨潤新綠頗聞村
農語賤價收絲穀大人自勞心小人得果腹作詩告東
人庶幾返淳俗

我讀禹貢篇兗州富桑繭青州固瀕海絲枲出岱畎服
貢雖足珍土物見匪罕聞有膚寸縷縷出蒼嶽驕陽
當中天裘之若蠶卵豈惟被堯封實可救湯旱邦人誇

鹽稀此物懷而卷吾當挾與行用殖九州產

束髮受羣經分國知齊魯今從是邦遊如與古人伍城
餘鮑叔牙泉識逢丑父當年爭霸雄動地震軍鼓驚書
藉徒溫熟事從人譜上下三千年復此日亭午紙窗語
嘸伊撲撲跳蠅虎

沈沈凝香齋寂靜化堂座中博山爐自蒸南豐香官
居本傳舍况乃燕巢梁虛亭四面開美蔭排松篁卧思
北渚逸坐受南風涼晴空看鶴翎煙影與之長留陰意
自佳大樹其甘棠

曾子固知齊州時所構凝香齋靜化堂俱在藩署今無其址惟西園有亭

顏爲留陰勸當
卽凝香齋故址

自我居東軒日聞鵲聲喜久亦姑置之未厭聒人耳昨
宵向瓜陰有蠟磔而起森吾所未見毋乃近青鬼鵲巢
構其巔自賀良有以蛇憐顧相逐鼈化果誰使余方搜
埤雅客母稱陸子

有鳥不知名旦夕呼其侶深林似莊嶽啁嘶作齋語我
欲譯禽言占非小生巨當時爽鳩氏居此樂得所茲其
苗裔耶復此聚族處信能知雨風智足遠刀俎翻憐屨
景公淒涼嫁齊女

朝來見南山梵宇鑿深翠青螺數千佛巖洞蓄幽致濟
南山水佳未及一探試如讀秦西畫遠近同位置城郭

任周遭煙嵐自妍媚懷人各千里久客無一事西風白
雁歸觸我江南思

公玉帶明堂圖歌

逆天臺觀連星榆建章宮殿羅蓬壺昆侖之基不可迹
明堂舊址空榛蕪周官王制各采綴諸儒誦說皆牽拘
通靈自援赤帝府習戰正攻子女符侈心誕念作封禪
徵文考獻疑規模太常旣紉周霸圖中峯萬歲間山呼
含山豈宅鬼與區竟有秘篋遺樵夫茅茨古制若可信
園水自與漸臺殊千門萬戶窮土木以此示儉非觀娛
樵夫此解時或無當時天馬徵貢輸流沙萬里開荒途

西母雲窗白詭麗地圖不共蟠桃俱東方善諧亦安取
博望導侈應先誅輪臺後悔知何如建元始議猶崇儒
明堂圖在莫輕詬道古尙愈求仙愚

千佛山不刻新漢歌

明建文時燕王攻濟南與鐵鉞戰忽有羣僧助
戰勇不可當燕王使人迹之皆入千佛山琵琶
洞石壁上石刻羅漢皆流汗被體乃以鐵椎碎
之石刻於唐貞觀間事見山東通志

諸王就國高僧隨高皇此錯將焉追緇衣白帽一朝起
天命要亦歸人爲大師度牒已前定千佛枉自心慈悲

猝然助戰勇莫抵武怒已却千熊巖眈眈病虎搯不死
降龍有杖無由施逆天之說世多託偷生百輩皆行屍
毗舍婆劫不能轉須陀洹飯應堪嗤錚錚丈夫鐵所鑄
鐵石相召理亦宜赴湯蹈火外支體飛叉斷杵真鬚眉
已將法身幻土偶何惜頑相逃鐵椎石幢鐵限一時仆
金川門外迎旛旗孝陵石馬縱流汗介甲翁仲何能馳
空門肇甌神所憤金剛努目知爲誰齊諧此說獨非誕
諸天龍象然吾詩

平陵東弔翟文仲

高陵丞相稱儒宗東守固有忠孝風平時禮義足干櫓

肱臂一召城爲空是時漢火屬微燼紫垣正坐妖星紅
金滕冊祝泣孺子玉璽禪授欺蒙童赤眉青犢已側目
安得勝廣開羣雄堂堂郡守來義公義旗十丈橫長虹
事成不成一死耳去馬賣犢皆從容真人白水呼雲龍
漢家火德重熊熊義公碧血埋蒿蓬王侯將相賞不及
空餘數語悲陳豐吁嗟乎熒惑守心丞相終義公父子
何遭逢齊門鬱鬱松柏桐至今遺恨平陵東吁嗟乎當
時已哀平陵東

濟南二首答望子

君問濟南勝南山當戶開岱雲天下覆沈水地中迴桃

寶東方傳荷花北渚杯明湖涵一鏡倒影鵲華來
湖綠飲殘虹招提出鏡中菰蒲開趙北謳唱合齊東彈
鍊無高客垂綸有太公憑將煙水話一洗軟塵紅

夢登泰山作

昔觀五岳圖真形怪而解今來居岱陰耳目仍未習時
時蘊方寸欲靜不得翕倏然神出舍輕身脇間笠飛登
日觀峯拜斗作天揖遙聞潮雞鳴陡覺鴻濛濕霞光洞
毛髮海氣聚呼吸秦皇古精魄長劍倚松立當時妄求
仙未解餐松粒山腰一道士手捧青琳笈罡風作虎號
萬象縮而入回頭見金牀身作嬾龍蟄

旅懷六首

表海雄風抱岱開，鷹揚虎視各徘徊。
人言魯國多男子，我閱齊城慨霸才。
金馬門高誰執戟，火牛壘廢自登臺。
生平心折聊城矢，曾躡高蹤一掛來。

七二飛泉瀉玉虹，秋煙猶擁德王宮。
湖山曉鏡描詞女，詩酒新亭勒寓公。
當日澹粧愁對菊，中年華鬢感飛蓬。
憑誰爲折珊瑚柳，吟向深閨當洗紅。

中澤嗷鴻劇可哀，車前蒙袂泣黃埃。
記從鄭俠圖中見，疑向田橫墓上來。
會有白蓮心易煽，野無青草氣難回。
一篇內政申軍令，且仗夷吾救世才。

早潦頻年報歲荒衝途蜚語覺張皇北來我暫棲行李
東去民猶望發棠敢使無鳩沂水境似聞有虎泰山旁
承流宜化賢藩事深恐宵衣寐不遑時方伯按部未回
禽伋遺封指故墟閒來採訪做虞初桑間婦薄狂夫行
稷下人傳賚堦書聞道富強仍不異便教淳朴道何如
劇憐蠶繭空州產羅綺爭華耀女閭

清商一夕鵲驚林月冷煙稀客感深筆下饑蟪編魯史
燈前寒蚓激齊音無禾敢代窮民告有李能全節士心
自是壯懷消未得不關秋氣鬱蕭森

秋夕有感

錦瑟年華似水流帶虹衣鵲欸粧樓譜殘一段紅橋夢
冷月涼蛩共寫秋

吳秋航宰禹城未得一見適寄近作見示兼惠其所刻晦亭遺集晦亭與在菴康侯皆余丁卯同年友也感事懷人共成二首奉寄

自我來濟南却復長相思不能共君話且喜得君詩君詩亦古人元結春陵詞時復似少陵牛毛歎芬絲誦詩可觀政此語亮匪欺曩時瘦御史上書憫瘡痍君詩旣云爾作吏真有爲桃柳已成村鳧鴨亦滿陂安得起九原與語同掀眉

九原不可作思之惻傷神君家有癡叔養晦爲詩人以
舌化牛耕牛斃舌不伸晦亭以舌病死空餘一卷詩縱橫傲儀
秦丁卯數同年落落如參辰御史已摧折司農兼病貧
斯人復困死我輩同酸辛西風走落葉戚戚枯醬呻誰
能爲大力天地迴陽春

觀湘浦相國書虎字

神光斂小智佛力包大雄攬身一震嘯萬谷號天風此
物世罕出出爲閭氣鍾何年樞星精質附彫與熊神勇
托肘腕運腕如開弓奮迅作騰跳雄昇驚疲瘵伯時懼
變馬葉公畏生龍正當萬羊換豈屑羣鷺籠當年鎮回

疆環帳貌貅重將鬚卓神筆拜伏羅羌戎履尾不顛咥
批鱗獲優容倚嗟將相才明良慶遭逢觸邪自神羊辟
惡須大蟲持此懸中堂八蜡歌年豐

七月十七日泛舟大明湖卽事

黑雲亂湧千佛山客心急繫明湖問塵風荷葉百萬柄
沉魚走獺驚潏潏鵲華橋畔乍招手一艇刺入菰蘆灣
湖邊古寺暫延佇城陰高閣纔躋攀居民置產種蓮芡
澤國擅利歸蒲管平鋪地衣剪綠錦不令明鏡開湖顏
生平野鷗心浩蕩對此坐惜煙波慳沉雷漸近雨脚疾
亟趁水鴨沿波還天公好奇客好事回頭一笑斜陽殷

客意

客意疎於樹，秋容澹在山。
始波湖月冷，不雨嶽雲閒。
飲酒德方進，求名心漸頑。
黑頭公笑我，早見鬢毛斑。

八月十八夜坐月

自中秋至是夕始見月

桐葉警虛坐，桂花參定禪。
秋光團鵲露，夜氣入蛩煙。
償我在，今夕依人同昔年。
不知金粟佛，可羨玉真仙。

得子履書却寄

廣文先生老不疎，隔月報我淮南書。
牋長字細語鄭重，高松瘠竹森眉鬚。
七年不見知何如，今春過淮奉訪不值書中愁緒縈而紆。
我豈欲東顧，饑驅鬱鬱居此，亦何樂天南望。

斷紅鯉魚饑寒不庇愁妻孥昂然長劍佩鹿盧西羌犬
羊正多事萬里秦隴勞轉輸征西大將印如斗 廟堂
籌筆多訐謨腐儒閒愁亦何事坐惜白日堂堂徂君來
語我茅屋倒連旬秋雨淮城隅吾儕棲止一枝耳杞憂
自與常人殊霜清木落寒菰蒲防河大帥兼備湖祝君
報我健眠食慎勿更繪監門圖

明湖秋望

湖上秋來水半篙
篷風蘆雪白蕭颯
疎荷散似書聲懶
瘦柳清於畫品高
漁艇有人收蟹索
鐘樓無客白蒲牢
當時慙下亭開酒
幾輩能狂說釣鼈

寄驥雲弟

閩粵音書阻燕齊道路歧風塵俱老大兄弟各支持夢

裏兵戈過

時臺警已定

愁邊歲月馳兩家同失望一第並難

期

先人勇貔虎徒手縛孫恩忠義團畚社詩書習將門瘴
煙傷馬革寒雨望鴿原好奮垂天翼扶搖薄海瞰

驅我來東土應憐旅食情春萸譚子國秋草鮑牙城北
關多冠蓋西羌正甲兵不應三尺劍老此壯書生

別去初無奈愁來更若何邊烽狼糞塞海雨雁聲多投
筆憐鉛槧援琴歎斧柯與君同識字憂患日相磨

秋夜卽事

波濤在秋空傾耳浩如海衆星似防河宵守積磊塊中
庭一鵲巢居安不知殆端如定風珠巨浪任狂駭因茲
悟生理定力固有在我年已四十坐覺霜鬢改當知金
石堅不與果木癭哀蛩豈蒼生階下環而待感此或凄
然呻吟望真宰

九日憶笙調吳門

眼底風煙黯旅愁經年書札尙沈浮樽前白墮難成醉
慙下黃花白送秋客路豺貍多阻梗

南頓近多盜賊爲商旅患

故鄉

雞犬幾存留

時聞家鄉水災

知君亦墮登高淚一樣江湖悔浪

遊

秋興

簷雀弄牆蒿香巢落燕毛
蟲邊紅葉瘦雁外碧天高
久客通齊語懷人誦楚騷
菊花應笑我但解醉醇醪

絕塞

絕塞燉煌道 皇威盡版圖
諸蕃羣受約逆裔獨搜誅
奔突紛羊犬攻圍困虎羆
何時竿木上萬里走頭顱
插羽傳邊報偏師悞折衝
淖泥阮馬革晦雨滅狼烽
肅殺逢金虎提攜死玉龍
國殤先議卹 震怒發神鋒
使相登壇日風雲擁纛旂
中原方耀德上將自揚威

明詔仍寬大奇謀任指揮平羌趙充國決勝秉神機
見說楊無敵端如郭令公先聲能不戰上賞屢酬功指
日收回紇還朝繫末蒙勲名茅土重迅捷奏平戎

見落葉作

時西戎未靖

掩甲掃殘羌西風頓戰場天容開颯爽人意逐飛揚老
屋疎燈耿寒城暮角長榆關連柳塞空瀾夢邊牆

十月二十四日得家書作

丙戌秋九月我客齊州城京師消息來異事駭人聽故
鄉遭水災洪濤冒千層浩浩勢滔天水怪爭欺凌浮屍
下湘橋蔽江斷罟罾茫茫三川墟廛舍無一盥巍然存

一字武廟真神靈心疑甚其詞傳訛不足憑又恐非無
回魂夢時時驚忽忽五十日坐卧終怛怛猝傳家書入
檢視不及燈糊糝認紅箋燭至看分明乍讀心覺安再
讀涕交零田廬既蕩盡全者惟人丁當其發水時猛雨
如懸絙雨中一股煙萬山爲之崩救生汎浩劫雖犬從
飛昇神祠僅半椽棲託同豕櫓凍餓兩日夜猶幸全餘
生時維六月朔天地何無情友朋強慰藉排遣夫豈能
嗷嗷甘餘口何時復居僦荒田化澤國束手馮春耕鳴
呼此洪災豈獨余所經作詩但告哀廣廈慚少陵

寄張芸巢鹽院

江淮財賦邦鹽漕有專責 國初命臺臣巡按實非職

後乃稱鹽院內府自承 收傳聞富盈時庫與瓊林匹

公私有支領動輒千萬億邇來暫虧空 國課不能實

至尊罷玉真慈儉極體恤疲循非一朝主者已數易

任難得其人 宵旰幾籌畫有臣如張詠此材豈多得

旋由廉訪司擢以臺卿秩由闕臬晉三品卿銜糾察自匪難調劑

期有益非惟然 國儲要令寬商力兩淮十萬竈庶幾

有起色任重 詔勿辭才大需孔亟當年司轉運寬大

寓整飭重來經宏綱商民手加額西陲方用師待以佐

軍食艱難見勲勞令猷許經 國

魯輿開藩陝中奉寄

藩侯古方岳旬宣乃其職九服作屏翰百僚仰表率成
周始分陝周召稱二伯豐鎬湖前規岐隴著遺蹟熙
朝數舊臣君家茲其一黑頭擁節麾三世並登陟朝
廷重封圻簡畀任惟克方君官翰林召對眷已默
邊陲資扞蔽文武仗才識監司秩治戎三載勤整飭農
田及水利次第見畫壁勸學善後圖備荒破前格生平
愛宋臣韓琦及富弼志大才不疎功在事有益北門嚴
筦鑰西域謹堠斥邊烽忽而傳萬里馳羽檄犬羊竟披
猖士馬勞傳驛軍興事旁午芻餉逾常額至尊歷宵

肝用人此其亟藩臣司 國計浮冒當釐析以君著廉
能承謨共宣力繫昔 高廟初金川掃凶逆君家大
中丞轉粟辦軍食 王師奏凱還第功鼎彝勒繼惟開
府公滇池平猱黑單騎入苗寨開誠論威德遂使數千
人全活免鋒鏑願君篤成烈承家在經 國兵農與禮
樂經濟皆學術上以答 主知下以和民懌豈徒侷人
歌當念姬公績

食臘八粥

清齋到官厨塵客啜佛粥當時設道場此日遍風俗妙
法却濟蕪素風糝苳菽胡桃及葷筍飴餛入秬玉修成

七寶供種來百合福隨例稱吉祥動念轉愁蹙偏災在
粉榆饑寒慘啼哭糝糠浙矛頭藜藿折鎗足呼雞見隔
籬瞻烏寄誰屋九州荷 皇仁屢賑太倉粟五城增粥
廠來往踵相屬中原與嶺嶠覆載共仁育胡爲益稷臣
艱食不陳告 齋宮祈太平先爲豐年祝一飽何足云
調和望玉燭

曉起對雪

一麥已堪望歡然人意偕回饑蝗下尺忍凍鵲銜柴昨
夢返鄉國梅花開半屋平安春信早熱酒許傾懷